

## 新年祝福的诗句古诗

1.  
万戟凌霜布，森森瑞气间。垂衣当晓日，上寿对南山。济济延多士，跕跕舞百蛮。小臣无事谏，空愧伴鸣环。——卢纶《元日早朝呈故省诸公》
2.  
忆昔岁除夜，见君花烛前。今宵祝文上，重叠叙新年。闲处低声哭，空堂背月眠。伤心小儿女，撩乱火堆边。——元稹《除夜》
3.  
昨夜斗回北，今朝岁起东。我年已强壮，无禄尚忧农。桑野就耕父，荷锄随牧童。田家占气候，共说此年丰。——孟浩然《田家元日》
4.  
天上风云庆会时，庙谟争遗草茅知。邻墙旋打娱宾酒，稚子齐歌乐岁诗。老去又逢新岁月，春来更有好花枝。晚风何处江楼笛，吹到东溟月上时。——陈献章《元旦试笔》
5.  
残腊即又尽，东风应渐闻。一宵犹几许，两岁欲平分。燎暗倾时斗，春通绽处芬。明朝遥捧酒，先合祝尧君。——曹松《除夜》
6.  
烛影摇红焰尚明，寒深知己积琼英。老夫冒冷披衣起，要听雄鸡第一声。——赵翼《除夕》
7.  
锣鼓儿童声聒耳，傍早关门，挂起新帘子。爆竹满街惊耗鬼，松柴烧在

乌盆里。写就神荼并郁垒，细马送神，多著同兴纸。分岁酒阑扶醉起，阖门一夜齐欢喜。——沈宣《蝶恋花·除夕》

8.  
翠柏红梅围小坐，岁筵未是全贫。蜡鹅花下烛如银。钗符金胜，又见一家春。自写好宜祛百病，非官非隐闲身。屠苏醉醒已三更。一声鸡唱，五十六年人。——李慈铭《临江仙》

9.  
衰残归未遂，寂寞此宵情。旧国馀千里，新年隔数更。寒犹近北峭，风渐向东生。惟见长安陌，晨钟度火城。殷勤惜此夜，此夜在逡巡。烛尽年还别，鸡鸣老更新。雉声方去病，酒色已迎春。明日持杯处，谁为最后人。——卢仝《除夜》

10.一年将尽夜，万里未归人。——戴叔伦《除夜宿石头驿》

11.  
天地风霜尽，乾坤气象和。历添新岁月，春满旧山河。梅柳芳容徧，松篁老态多。屠苏成醉饮，欢笑白云窝。——叶颙《己酉新正》

12.  
守岁尊无酒，思乡泪满巾。始知为客苦，不及在家贫。畏老偏惊节，防愁预恶春。故园今夜里，应念未归人。——白居易《客中守岁》

13.  
绛蜡红梅竞作花，客中惊又度年华。离离长柄垂天斗，隐隐轻雷隔巷车。斟醪醑，和尖叉。新词飞寄舍人家。可将平日丝纶手，系取今宵赴壑蛇。——王国维《鹧鸪天》

14.事关休戚已成空，万里相思一夜中。——来鹄《除夜》

15.春色已知回寸草，霜威从此霁寒松。——黄庭坚《次韵元旦》

16.

官历行将尽，村醪强自倾。厌寒思暖律，畏老惜残更。岁月已如此，寇戎犹未平。儿童不谙事，歌吹待天明。——罗隐《岁除夜》

17.

旅馆寒灯独不眠，客心何事转凄然。故乡今夜思千里，愁鬓明朝又一年。  
。——高适《除夜作》

18.暖日映山调正气，东风入树舞残寒。——方干《元日》

19.

不求见面惟通谒，名纸朝来满敝庐。我亦随人投数纸，世情嫌简不嫌虚。  
。——文征明《拜年》

20.

爆竹传声又岁除，流年不驻隙中驹。屠苏未用斟春酒，饧飧先教促晓厨。  
。彩绚户庭更郁垒，欢传院落竞樗蒲。老来乐事关心懒，吟对梅花撚断须。  
。——葛起耕《除夕》

本文链接：<https://duanjuziku.com/duanjuzi/er9uh2gxm9.html>